



JU "SPORTSKO - REKREACIONI CENTAR" TEŠANJ

Adresa: ul. Patriotske lige 57
74260 Tešanj

Žiro računi:

BBi

1412010001458751

E-mail: jusrctes@bih.net.ba

UNICREDIT BANKA

3385502203485650

www.dvorana-tesanj.com

Tel/fax: 032 651-500

IDbr.: 4218543010006

PDV: 218543010006

Broj: 02 – 162/25

Datum: 29. 07. 2025. godine

IZVOD IZ ZAPISNIKA

Sa **prve** (1.) - konstituirajuće sjednice Upravnog odbora JU „Sportsko-rekreacioni centar“ Tešanj, održane 29.07.2025. godine (utorak), u prostorijama Uprave, sa početkom u 17:30 sati.

Sjednici prisutni:

1. Edin Hotić – predsjednik
2. Zaim Hadžan – član
3. Smail Solo – član
4. Nusret Ogrić – direktor

DNEVNI RED:

1. Konstituisanje novog saziva Upravnog odbora.
2. Upoznavanje članova Upravnog odbora sa unutrašnjim aktima Ustanove.
3. Prijedlog Odluke o izmjeni Pravila JU SRC Tešanj.
4. Informacija o provedenom konkursu za prijem uposlenika u JU SRC Tešanj.
5. Informacija o realizaciji turnira Tešanj 3x3.
6. Razno.

Nakon što je Predsjednik konstatovao da su ispunjeni svi uslovi za održavanje sjednice jednoglasno je usvojen dnevni red i otvorena je 1. sjednica Upravnog odbora.

AD. 1.

Predsjednik Upravnog odbora je upoznao prisutne da je Općinsko vijeće na svojoj 9. sjednici, održanoj 30.06.2025. godine donijelo Rješenje o razrješenju predsjednika i članova Upravnog odbora JU SRC Tešanj broj: 01-45-2-1802-2/25, a na istoj sjednici donešeno je Rješenje o privremenom imenovanju predsjednika i članova Upravnog odbora JU SRC Tešanj broj: 01-45-2-1803-2/25. Oba ova Rješenja su stupila na snagu objavom u Službenom glasniku Općine Tešanj broj: 06/2025 od 01.07.2025. godine.

Rješenjem o privremenom imenovanju novi saziv Upravnog odbora na period od najviše tri mjeseca čine:

1. Edin Hotić, predsjednik
2. Zaim Hadžan, član
3. Smail Solo, član

Direktor je novom sazivu Upravnog odbora poželio sreću u budućem radu uz želju za nastavak stabilnosti i pozitivnih trendova u radu i poslovanju Ustanove.

AD. 2.

Članovi Upravnog odbora upoznati sa unutrašnjim aktima Ustanove: Pravilnikom o radu, Pravilima JU SRC Tešanj, Poslovnikom o radu Upravnog odbora i Pravilnikom o unutrašnjoj organizaciji i sistematizaciji poslova i radnih mjesta. Isti su proslijeđeni u elektronskoj formi svim članovima Upravnog odbora. Direktor je članovima Upravnog odbora ukratko pojasnio način rada i funkcionisanja Ustanove, te ih uputio na zapisnike, materijale i značajnije Odluke i akte koji se koriste u radu. Članovi Upravnog odbora su upoznati sa Odlukom o visini naknade, koja je donešena u skladu sa Odlukom Općinskog vijeća, te će se ista primjenjivati i na ovaj saziv.

AD. 4.

U okviru ove tačke članovi Upravnog odbora su razmatrali Prijedlog izmjene Pravila JU SRC Tešanj. Obzirom, da je prethodni saziv razriješen zbog neusklađenosti Pravila sa važećim zakonskim propisima, tj. sa Zakonom o ministarskim, vladinim i drugim imenovanjima Federacije Bosne i Hercegovine, te sa Odlukom Općinskog vijeća Tešanj o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj, Upravni odbor je pristupio izmjeni spornih članova Pravila JU SRC Tešanj.

Prijedlogom Odluke mijenja se član 13, koji nakon izmjene glasi:

„Organ upravljanja u Sportsko-rekreacionom centru je Upravni odbor. Upravni odbor ima tri člana. Predsjednika i članove Upravnog odbora Sportsko rekreacionog centra imenuje i razriješava Općinsko vijeće na prijedlog Općinskog Načelnika u skladu sa Zakonom. Mandat predsjednika i članova Upravnog odbora traje četiri godine uz mogućnost ponovnog imenovanja.“

Također, vrši se izmjena člana 16., te se u isti nakon izmjene glasi:

„Predsjednik i članovi Upravnog odbora imaju pravo na novčanu naknadu koju po pravilu utvrđuje Općinsko Vijeće u skladu sa svojom Odlukom i Zakonom.“

Obzirom da je za izmjene Pravila potrebna saglasnost Osnivača Upravni odbor je ovaj Prijedlog proslijedio ka Općini Tešanj, te će nakon pribavljene saglasnosti donijeti konačnu Odluku o izmjeni Pravila.

AD. 4.

U okviru ove tačke direktor je članove Upravnog odbora informisao o provedenom konkursu za prijem uposlenika u JU SRC Tešanj. Javni oglas za prijem radnika raspisan je 08.05.2025. godine za radna mjesta kućni majstor i radnik na održavanju čistoće, oba radna mjesta u Sportskoj dvorani Jelah. Nakon provedene konkursne procedure za oba radna mjesta prijavljen je po jedan kandidat. Direktor je imenovao Komisiju koja je provela konkursnu proceduru, te utvrdila da prijavljeni ispunjavaju uslove i sa istima obavila intervju. Nakon obavljenog intervjua Komisija je

direktoru prosljedila listu uspješnih kandidata. Direktor je shodno daljoj proceduru donio Odluku o prijemu radnika u radni odnos na neodređeno vrijeme. Za radno mjesto kućni majstor primljen je kandidat Miralem Hadžan, a za radno mjesto radnik na održavanju čistoće Šaha Demirović. Sa istima je nakon isteka žalbenog roka zaključen ugovor na neodređeno radno vrijeme. Upravni odbor je ovu informaciju primio k znanju.

AD. 5.

U okviru ove tačke direktor je članove Upravnog odbora upoznao sa informacijom o održanom trećem turniru u basketu Tešanj 3x3. Turnir je održan 21.06.2025. godine na poligonu ispred Osnovne škole „Huso Hodžić“ Tešanj. Učestvovalo je 9 ekipa iz cijele Bosne i Hercegovine, a isti je ponovo održan po Fiba 3x3 pravilima. Turnir je ove godine podignut na viši nivo jer je unajmljena profesionalna oprema, koja zadovoljava sve standarde. Generalni sponzor turnira bila je Općina Tešanj, a isti su ponovo podržali privredni subjekti sa našeg područja. Upravni odbor je primio informaciju k znanju, te podržao održavanje ovog turnira uz konstataciju da se i narednih godina treba nastaviti sa istim.

AD. 6.

Pod ovom tačkom nije bilo rasprave.


Predsjednik je zaključio sjednicu u 18:36 sati.

Dostavljeno:

1. Članovima Upravnog odbora 1-3;
2. Direktor;
3. Općini;
3. Arhiva;



Predsjednik Upravnog odbora:


D.V.M. Edin Hotić